

Euro Business

Poslovni magazin EEN mreže u Bosni i Hercegovini
Broj 7



Evropska poduzetnička mreža u BiH želi Vam
uspješnu 2011. poslovnu godinu

2011

EICC Odbor grupacije građičke industrije

EICC Održan drugi sastanak Evropskog poslovnog kluba

EICC Pisanje EU projekata

RDA Studijska posjeta Republici Srbiji

RDA Završen ciklus radionica pružanja podrške općinama

RDA Dan Inovacija.doc

0 programima Zajednice

Iz sadržaja



ODRŽAN 2. SASTANAK EVROPSKOG POSLOVNOG KLUBA



„Kada će izvozne kompanije iz Bosne i Hercegovine dobiti validne izvozne certifikate izdate od nadležnih institucija Bosne i Hercegovine“ bila je tema drugog sastanka Evropskog poslovnog kluba koji je organizirao Euro info korespondentni centar Vanjskotrgovinske komore Bosne i Hercegovine.

Cilj Evropskog poslovnog kluba je da izvozno orijentirane kompanije dobiju priliku da u neformalnoj atmosferi razgovaraju s predstavnicima nadležnih institucija o pitanjima koja se direktno tiču njihovog uspjeha u poslovanju, odnosno nastupa na evropskom/međunarodnom tržištu. Organizacija sastanka je ocijenjena i kao odlična prilika za unaprjeđenje procesa uspostavljanja partnerskog odnosa između vladinih institucija i poslovne zajednice Bosne i Hercegovine.

Na sastanku Evropskog poslovnog kluba je prisustvovalao oko 40 kompanija iz različitih sektora privrede, koje su bile u prilici da uspostave direktan kontakt s predstavnicima institucija nadležnih za privredu.

O ulozi Vanjskotrgovinske komore Bosne i Hercegovine govorio je predsjednik Veselin Poljašević, a ključne aktivnosti Ureda za veterinarstvo Bosne i Hercegovine predstavio je direktor Drago Nedić, Instituta za akreditiranje Bosne i Hercegovine - BATA direktor Žarko Petrović, Instituta za mjeriteljstvo Bosne i Hercegovine direktor Esad Tuzović, Instituta za standardizaciju Bosne i Hercegovine zamjenik direktora Sead Bekić, Agencije za nadzor nad tržištem Bosne i Hercegovine gospodin Edin Čerimagić i Metalurškog Instituta „Kemal Kapetanović“ iz Zenice – akreditirane laboratorije - direktorica Mirsada Oruč.

Nakon izlaganja je uslijedila diskusija s privrednicima koji su dobili konkretne i adekvatne odgovore na svoja pitanja. Predloženo je da se na sljedeći sastanak Evropskog poslovnog kluba pozove širi krug privrednika kao i sve institucije nadležne za privredu od kantonalnog pa do državnog nivoa.

